



2012

Skýrsla æskulýðsnefndar Sóta



EFNISYFIRLIT

EFNISYFIRLIT	1
--------------	---

INNGANGUR	2
-----------	---

ÆSKULÝÐSNEFND SÓTA	3
--------------------	---

DAGSKRÁ VETRARINS	3
-------------------	---

FÉLAGSSTARF	4
-------------	---

JÓLASTUND
HESTANAMMIDAGUR
ÖSKUDAGSREIÐ
BARNABRÖNS
ÓVISSUFERÐ
ÞEMAREIÐ
FRÆÐSLU/SPILAKVÖLD
OPNIR FJÖRLEIKAR
FJÖRU-FJÖR

NÁMSKEIÐ	5
----------	---

SKEMMTINÁMSKEIÐ
ALMENNT REIÐNÁMSKEIÐ
KEPPNISNÁMSKEIÐ
POLLANÁMSKEIÐ
KNAPAMERKI
SUMARNÁMSKEIÐ

ANNAÐ	6
-------	---

ÆSKAN OG HESTURINN
LANDSMÓT
FRAMUNDAN Á ÞESSU ÁRI
SAMANTEKT

INNGANGUR

Æskulýðsnefnd Sóta hefur það að markmiði að þjappa börnunum í félaginu saman auk þess að fá fleiri ný börn inn í félagið. Í vetur var boðið uppá fjölbreytta fræðslu og skemmtun, bæði fyrir þau sem ríða mikið út og aðra sem eru áhugasöm um hestamennsku.

Það stendur félaginu óneitanlega fyrir þrifum að eiga ekki reiðhöll (stendur vonandi til bóta) og erfitt er að fá pláss í hesthúsum þar sem flest eru þegar fullsetin og því hefur nýliðun ekki verið sem skyldi.

Reynt var að fá leigt 25 hesta hús fyrir næsta vetur þar sem stefnan var sett á að nota það hús sem félagshús og gefa börnum sem ekki eiga foreldra í hestamennsku kost á að stunda íþróttina. Búið var að finna starfsmann sem myndi sinna öllum verkum og boðið yrdi uppá 2-3 hesta fyrir þau börn sem hafa ekki aðgang að hesti. Því miður var þegar búið að leigja út húsið en eigandinn tók mjög vel í þessa hugmynd svo vonandi getur Sóti boðið uppá þessa þjónustu að ári.

Foreldrar hafa þurft að að keyra börnin í önnur bæjarfélög en sameinast hefur verið í kerrur svo það hefur gengið vel sökum velvilja foreldra.

Nýtt skráningarkerfi var tekið í notkun á árinu á nýrri heimasíðu og einnig fóru fram skoðanakannanir á sömu síðu www.soti.is

Þar sem Sóti er frekar lítið félag þá eru flestar uppákomur æskulýðsnefndar í boði fyrir alla enda er ekkert kynslóðabil í hestamennsku og gaman að hafa sem flesta með.

ÆSKULÝÐSNEFND SÓTA

Aðalfundur Sóta er haldin í nóvember/desember ár hvert og voru þá eftirtaldir tilnefndir í æskulýðsnefnd:

Steinunn Guðbjörnsdóttir, formaður
Guðlaug Eira Gunnarsdóttir, gjaldkeri
Þórey Edda Heiðarsdóttir, ritari
Guðleif Nóadóttir
Haraldur Aikman

Fundir voru haldnir eftir þörfum og tóku allir í nefndinni virkan þátt í undirbúningi viðburða.

DAGSKRÁ NEFNDARINNAR Í VETUR

14. desember	Jólastund
11. janúar	Hestanammidagur
15. febrúar	Fræðslu/spilakvöld
11. mars	Barna-bröns
22. apríl	Óvissuferð
13. maí	Þemareið
9-10 júní	Helgarferð

Að auki var bætt við:

22. febrúar	Öskudagsreið
29. maí	Opnir fjöruleikar
06. júní	Fjöru-fjör

FÉLAGSSTARF

Jólastund

Boðið var uppá þá nýbreytni að láta æskulýðsnefnd sjá um að skreyta félagsheimilið fyrir jólin. Börnunum var boðið að koma eina kvöldstund, búa til músastiga og mála á piparkökur á meðan hlustað var á notalega jólatónlist. Síðan var félagsheimilið skreytt með afrakstri vinnu barnanna og óhætt er að segja að félagsheimilið hafi aldrei litið jafn vel út.

Hestanammidagur

Ákveðið var að endurtaka hestanammidaginn frá í fyrra en þar sem uppskriftin fannst ekki var öllu bara sirkað saman í skál og hrært í. Vel tókst til en hestarnir voru hins vegar ekki eins hrifnir af 2012 árgerðinni. Einnig var boðið uppá að búa til sérstök ílát undir nammið og mátti sjá mikið listfengi hjá Sóta félögum.

Fræðslu-spilakvöld / Grímureið á öskudag

Gerð var skoðanakönnun á netinu um hvað krakkarnir vildu helst fræðast um á fræðslukvöldi og þar snerst hrossa sigur úr bítum. Erfiðlega gekk að ná í einhvern sem kunni vel til verka og í millitíðinni kom upp sú hugmynd að fara í grímureið um Álfanes á öskudag. Krakkarnir mættu í búningi upp í hesthús, riðin var stuttur hringur um Álfanes og síðan var "kötturinn sleginn úr tunninni" eða réttara sagt "folaldið fundið í vísbendingarleik". Á eftir var öllum þátttakendum (líka fullorðnum sem mætti í búningi) boðið í pizzuveislu og spilamennsku í félagshúsinu á eftir. Þetta var nýjung hjá Sóta sem vonandi er kominn til að vera.

Barna-bröns fjáröflun

Þar sem svo vel tókst til síðast á bingo-bröns var ákveðið að halda bröns aftur, en án bingós að þessu sinni. Hins vegar var hægt að kaupa happdrættismiða og voru veglegir vinninar í boði. Brönsinn var haldin í Álfanesskóla og stóðu nefndarmenn sveittir að steikja egg og beikon og annað gúmmulaði. Einnig var boðið uppá útsvarskeppni þar sem spurningarnar voru allar hestatengdar.

Óvissuferð

Aldrei hafa fleiri mætt í óvissuferð æskulýðsnefndar en 16 börn á aldrinum 3-17 ára (auk fjögurra fullorðinna) lögðu land undir fót. Farið var um suðurland, stoppað í gönguferð og leikjum við Kerið, menningarstopp við Skálholt, ævintýraferð á spítbátum á Hvítá, matur í Reykholt og endað í sundi á Laugarvatni. Frábær dagur sem þjappaði hópnum saman.

Opnir fjöruleikar

Æskulýðsnefnd reyndi þá nýjung í mótahaldi að halda s.k. opna fjöruleika þar sem keppt yrði í ýmsum þrautum í fjörunni s.s. liðaboðhlaup, þrautabraut, kappreiðum ofl. Viðburðurinn var auglýstur á öllum hestamiðlum og sendur póstur á öll félög. Þrátt fyrir það var engin skráning á mótið (enda stutt í Landsmót) svo það þurfti því miður að fella mótið niður. Í staðinn héldum við:

Fjörufjör

Fyrir Sóta félagi á öllum aldri. Við settum upp þrautabrautir í fjörunni, vorum með kappreiðar og síðast en ekki síst, sundreið. Á eftir var boðið uppá grillmat í félagsheimilinu. Mjög skemmtilegur dagur en það hefði verið gaman að sjá fleiri börn en fullorðnir mættu vel.



NÁMSKEIÐ

Óvenju mörg námskeið voru í boði fyrir Sóta krakka þetta árið.

Vetrarnámskeið Janúar - Mars

Í janúar hófst reiðnámskeið í reiðhöll Sörla þar sem lögð var áhersla á gleði og skemmtun með hestunum. Karen W. Barrysdóttir var kennari á námskeiðinu og tóku 6 börn þátt sem lærðu m.a. hindrunarstökk, hestafótbolta og skrautreiðar. Jafnt kynjahlutfall var á námskeiðinu og var það einstaklega ánægjulegt.



Almennt reiðnámskeið Apríl – Maí

Karen W. Barrysdóttir var síðan aftur með námskeið í reiðgerði og hringgerði á Sóta svæðinu og var það almennt námskeið sem fór þannig fram að hver nemandi fékk einkakennslu. 5 börn voru skráð á námskeiðið og fór þeim mikið fram. Lögð var áhersla á ásetu og stjórnun.



Keppisnámskeið Apríl – Maí

Sindri Sigurðsson var með keppisnámskeið sem fór fram á velli félagsins í formi einkatíma, 15 mín í senn. Lögð var áhersla á keppni á íþróttamóti og gæðingakeppni. 4 stelpur tóku þátt.

Pollanámskeið

Boðið var uppá tvö pollanámskeið, annars vegar frá jan-mars í reiðhöll Sörla og svo aftur í maí í reiðgerði Sóta. Karen W. Barrysdóttir kenndi á báðum námskeiðum.



Knapamerkjanámskeið

Knapamerkjanámskeiðin voru haldin í samvinnu við hestamannafélagið Sörla og voru samtals þrír nemendur frá Sóta, tvær luku 3.stigi og 1, fyrsta stigi.

Reiðnámskeið Íshesta og Sóta

Haldið var eitt reiðnámskeið sem var sérstaklega fyrir börn af Álfanesi og í lok námskeiðsins fengu Álfnesingarnir sérstaka viðurkenningu frá Sóta í formi verðlaunapenings og þeim boðið að koma og heimsækja okkur í vetur.



ANNAÐ

Æskan og hesturinn

Sóti var ákveðin í að taka þátt í þessum árlega viðburði með sér atriði. Tvær stelpur úr ungmennaflokki voru búnar að búa til program og allt klárt. En þrátt fyrir að mikið hafiverið reynt að fá þátttakendur þá náðist ekki í atriði. Hins vegar „björguðu“ tvær stelpur Sörla með sitt atriði á síðustu stundu þar sem þeir misstu þátttakendur úr sínu atriði. Það er orðið áhyggjuefni hversu erfitt er að fá börn og unglinga til að taka þátt í þessum skemmtilega viðburði.

Landsmót

Æskulýðsnefnd sá um að ráða þjálfara fyrir krakkana sem kepptu fyrir hönd Sóta þ.e.a.s. 2 í barnaflokki, 2 í unglingaflokki og 1 í ungmennaflokki. Atli Guðmundsson sá um keppniskrakkana og fylgdi þeim alveg í braut. Einnig útvegaði nefndin keppnisgalla frá Henson á alla keppendur.

Framundan á þessu ári:

Málningavinna.

Félagið er að reisa lokað reiðgerði í haust og stefnan er að kalla saman allt ungvíði og setja þau í málningavinnu þegar gerðið verður klætt. Fyrst og fremst er það hugsað sem skemmtun en líka að krakkarnir geri gagn í sjálfböðavinnu Sótafélaga.

Uppskeruhátíð

Í október er stefnt að árlegri uppskeruhátíð æskulýðsnefndar þar sem hópurinn gerir eitthvað skemmtilegt saman og veittar eru viðurkenningar. Eftir gó-kart í fyrria bíða allir spenntir eftir annarri gó-kart ferð!



SAMANTEKT

Starf æskulýðsnefndar er mikið og nóg að gera í sjálfböðavinnu fyrir meðlimi hennar. En þegar „uppskeran“ er góð, og börnin eru ánægð, er það allrar vinnunar virði. Með því að bjóða uppá ýmsa viðburði, bæði hestatengda og ekki, þá þjappar það hópnum saman og krakkarnir kynnast betur. Nokkrir nýjir hafa verið að koma inn og hefur þeim verið tekið vel og ánægjulegt hefur verið hve margir strákar hafa verið virkir í vetur. Oftar en ekki má sjá krakkana í skemmtilegum útileikjum í hverfinu á meðan foreldrarnir sitja í kaffi ☺.

Með tilkomu nýs gerðis, vindheld með áhorfendabekkjum, vonumst við til að það verði allri kennslu hjá Sóta til mikillar upplýftingar.

Það er einlæg ósk okkar að æskulýðsstarfið haldi áfram að vaxa og dafna því án æskunnar og nýliðunar í greininni nær hestamennskan ekki að blómsta.

Fyrir hönd æskulýðsnefndar Sóta

Steinunn Guðbjörnsdóttir, formaður.